

МЕҲР-МУРУВВАТ, САХОВАТ, БУНЁДКОРЛИК ВА БАҒРИКЕНГЛИК АЙЁМИ

Наврўзи олам ҳаёт абадийлиги, табиатнинг устувор қудрати ва чексиз саховатининг, кўп мингйиллик миллий қиёфамиз, олижаноб урф-одатларимизнинг бетакрор ифодасидир. Шунинг учун Наврўз юртимиздаги ҳар бир шаҳар ва қишлоқ, маҳалла ва хонадонда кенг нишонланади. Бу тадбирларда халқимизга хос бағрикенглик, меҳр-мурувват фазилатлари, миллий урф-одат ва анъаналаримиз яққол намоён бўлади.

Наврўз, яъни Янги куннинг кириб келиши одамзот қалбида эзгу интилишларни уйғотиб, унга умид ва ишонч, шукроналик туйғуларини бағишлайдиган, барча юртдошларимизнинг энг ардоқли, катта хурсандчилик билан ўтказадиган сеvimли байрамидир. Бу йилги байрам ҳам диёримизнинг барча шаҳару қишлоқлари, овул ва маҳаллаларида фусункор ва кенг миқёсда — умумхалқ сайиллари тарзида кўтаринки руҳда нишонланаётир.




Президентимиз Ислам Каримов таъкидлаганидек, биз таянчимиз ва суянчимиз, ғуруримиз ва ифтихоримиз бўлмиш болаларимизга, фарзандларимизга ишонч билан, ҳурмат-эътибор билан қарашни келажакимизга бўлган ишонч, миллатимизга, халқимизга бўлган ҳурмат-эҳтиром ифодаси, деб биламиз.

Ёшлар билан учрашув



"Соғлом бола йили" Давлат дастури бунинг яна бир ёрқин тасдиғидир. Ўзбекистон Республикаси Олий судида Тошкент юридик коллежи ўқувчилари билан бўлиб ўтган учрашувда бу алоҳида эътироф этилди. Олий суд раиси Б.Мустафоев ва бошқалар мамлакатимизда баркамол авлодни тарбиялаш борасида зарур барча шарт-шароитлар яратилгани ўзининг юксак самараларини бераётганини таъкидлади. Кадрлар тайёрлаш миллий дастури ва Мактаб таълимини ривожлантириш умуммиллий давлат дастурининг амалга оширилиши самаралари мамлакатимизда баркамол авлодни тарбиялашга қаратилаётган улкан эътиборнинг яққол тасдиғидир. Маълумки, Ўзбекистонда 12 йиллик мажбурий таълим жорий этилган, унинг сифати халқаро талабларга жавоб беради. 2004 йилдан буён умумтаълим мактабларини бунёд этиш, моддий-техник базасини яхшилаш ва жиҳозлаш учун жами 2,8 триллион сўмдан ортиқ, болалар мусиқа ва санъат мактабларига 2009 йилдан буён 488 миллиард сўмдан зиёд маблағ йўналтирилди. Соғлом бола йилида бу борада амалга оширилаётган ишлар янада юқори даражага кўтарилди. (Давоми иккинчи бетда)




Президентимиз Ислам Каримовнинг Наврўз байрамига бағишланган тантанали маросимдаги табрик сўзида таъкидлаганидек, биз Ватанимиз ва эл-юртининг тарихий сана ва айёмларига бағишланган байрамларни катта тайёргарлик ва хурсандчилик билан ўтказамиз. (Давоми учинчи бетда)

Xabar

Халқ маслаҳатчилари институти ривожланмоқда

Мамлакатимиз суд тизимида жамоатчилик вакилларининг кенг иштирокини таъминлашга қаратилаётган эътибор одил судловни амалга оширишда муҳим аҳамият касб этмоқда. Халқ маслаҳатчилари институти шакллангани ва уларнинг жиноят иши муҳокамасида иштирок этаётгани бунинг амалдаги тасдиғидир.



Ўзбекистон Республикаси Олий судида "Жиноят ишларини кўришда халқ маслаҳатчиларининг иштироки

ва суд амалиётидаги долзарб масалалар" мавзусида бўлиб ўтган давра суҳбатида шу ҳақда сўз юритилди. Ўзбекистон Республикаси Олий Мажлиси Қонунчилик палатасининг Қонунчилик ва суд-ҳуқуқ масалалари қўмитаси ва Олий суд ҳузуридаги тадқиқот маркази ҳамкорлигида ташкил этилган тадбирда депутатлар, судьялар, прокурорлар, адвокатлар, халқ маслаҳатчилари, олим ва мутахассислар иштирок этди. (Давоми иккинчи бетда)

Qonun ko'magi

Хорижий сармоядорларнинг ҳуқуқий ҳимояси

адлия идоралари томонидан тўлиқ таъминланмоқда

Юртимизда ишлаб чиқаришни модернизация қилиш, техник ва технологик янгилаш, хорижий инвестицияларни жалб этишга алоҳида эътибор қаратилмоқда. Ўтган йилда мамлакатимиз иқтисодийётига инвестиция киритиш ҳажми ялпи ички маҳсулотга нисбатан 23 фоизни ташкил этгани ҳам бу фикрнинг амалий тасдиғидир. (Давоми иккинчи бетда)

Олий Мажлис Қонунчилик палатаси давлатимиз раҳбари томонидан таклиф этилган, конституцияга киритилаётган тўзатишлар тўғрисидаги муҳим қонунни қабул қилди

Куни кеча Ўзбекистон Республикаси Олий Мажлиси Қонунчилик палатасининг навбатдаги мажлиси бўлиб ўтди.

Ўзбекистон Республикаси Президенти томонидан қонунчилик ташаббуси тартибда киритилган "Ўзбекистон Республикаси Конституциясининг айрим моддаларига ўзгариш ва қўшимчалар киритиш тўғрисида (32, 78, 93, 98, 103 ва 117-моддаларига)"ги қонун лойиҳасини кўриб чиқиш мажлиси кун тартибидеги бош масала бўлди. Ушбу ҳужжат, аввало, давлат ҳокимияти тизимини янада демократлаштириш, давлат бошқарувининг энг муҳим принципларини амалга оширишнинг конституциявий механизmlарини такомиллаштириш — ҳокимиятнинг қонун чиқарувчи, ижро этувчи ва суд тармоқлари мустақиллиги ва тенглиги, ваколатлари мута-

носиблигини, улар ўртасида ўзаро тийиб туриш ва манфатлар мувозанати тизимининг самарали ишлашини таъминлашга қаратилган.

Қонун лойиҳасини иккинчи ўқишда кўриб чиқишга тайёрлаш чоғида унинг асосий ғоя ва қоидаларини муҳокама этиш ҳамда чуқур ўрганиш юзасидан бир қанча учрашув ва давра суҳбатлари ташкил этилди. Уларда сиёсий партиялар, фуқаролик жамияти институтлари вакиллари, мутахассис ва олимлар, юрист-ҳуқуқшунослар иштирок этдилар.

Қонун лойиҳаси сиёсий партиялар фракциялари ва Ўзбекистон Экологик ҳаракатидан сайланган депутатлар гуруҳининг мажлисларида, Қонунчилик палатаси қўмиталарида фаол ва кенг муҳокама қилинди.

(Давоми иккинчи бетда)

Islohot va samara

Апелляция инстанцияси

шахс ҳуқуқ ва эркинликларини кафолатли ҳимоялашга хизмат қилмоқда

Мамлакатимиз суд-ҳуқуқ тизимида изчилик билан олиб борилаётган янгилаш ва ўзгаришлар натижасида фуқароларнинг суд орқали ҳимояланиш кафолатлари кучайтирилди. Суд қарорларининг қонунийлиги ва асослигини таъминлашга хизмат қиладиган кассация инстанцияси тубдан ислоҳ қилиниб, суд ишларини қайта кўришнинг апелляция тартиби жорий этилди.

Айтиш керакки, апелляция инстанцияси суди қонунда белгиланган ваколатлар доирасида биринчи инстанция судининг ҳал қилув қарорларини шикоят (протест) бўйича қайта кўриб чиқиш ваколатига эга.

Ушбу қоидага асосан, апелляция инстанцияси суди агар биринчи инстанция судининг ҳал қилув қарорини қонунга мувофиқ, деб топган тақдирда, уни ўзгаришсиз қолдиришга, берилган шикоят ёки келтирилган протестни қаноатлантирмасликка ҳақли.

(Давоми иккинчи бетда)

Burch va mas'uliyat

Солиқ мажбурияти

уни ўз вақтида адо этиш ҳар биримизнинг фуқаролик бурчимиздир

Мамлакатимизда олиб борилаётган бюджет ва солиқ соҳаларини либераллаштириш жараёни иқтисодийётимининг барқарор ривожлантириш ва аҳоли фаровонлигини янада оширишга хизмат қилмоқда.

Маълумки, солиқлар ҳар бир мамлакатда давлат билан фуқаро ўртасидаги молиявий муносабатларни тартибга солиш воситаси ҳамда давлатнинг иқтисодий пойдеворини мустаҳкамловчи муҳим омил ҳисобланади. Чунки солиқлар ижтимоий ҳимоя тизими,

соғлиқни сақлаш ҳамда таълим соҳаларига йўналтирилади. Айтиш керакки, солиқ ва бошқа мажбурий тўловларни тўлашдан бўйин товлаганлик учун Жиноят кодексининг 184-моддасида жиноий жавобгарлик белгиланган. (Давоми учинчи бетда)

